

no. 3

LETTRE


D V R O Y

A MONSEIGNEVR

LE PRINCE.

M. DC. XV.

duplicate
not cataloged



LETTRE DV ROY A

Monseigneur le Prince.


MON Cousin, Je vous ay par plusieurs fois fait sçauoir le desir que i'auois que vous m'accompagnassiez au voyage que ie vaz faire en Guyenne pour l'accomplissement de mon Mariage, & vous ay fait conuier de vous y disposer & venir pres de moy pour ce subiect: Et mesme ie vous ay fait sçauoir mes bonnes intentiós sur quelques points dont vous desiriez estre esclaircy auparavant vostre retour, tant sur les affaires generalles que autres, Ayant pour cest effet ennoyé à diuerses fois vers vous le sieur de Villeroy qui y est encores à present, & par lequel vous auriez peu aussi estre informé & asseuré de mon affection & bien veillance

& de celle de la Royne Madame ma Mere en vostre endroit : Neãtmoins ie n'ay peu iusques à present sçauoir vostre intention pour ce regard, n'ayans encores eu que des delaiz & & remises de vostre part. Ce pendant estant pressé de macheminer, l'enuoye le Sieur de Pontchartrain mon Conseiller & Secretaire d'Estat par de là, pour avec ledit Sieur de Villeroy vous dire la resolution que i'ay prise de partir pour faire mōdit voyage Samedy premier iour du mois prochain sans retardement, vous prier & conuier derechef de ma part de reuenir pres de moy pour m'y accompagner & y tenir le rang qui est deub à vostre qualité & naissance, ou bien dire en presence dudit Sieur de Pont-chartrain, Si contre ce que vous m'auiez fait esperer vostre intention est dy apporter refus ou difficulté & me desnier ce

contentement, afin qu'il m'en apporte entier esclarcissement, estant le principal subiect de son voyage. Me remettant doncques sur ce que ledit sieur de Villeroy & luy vous en dirôt de ma part, Je prie Dieu, Mon Cousin, qu'il vous ayt en sa sainte garde: Escrite à Paris ce 26. iour de Juillet 1615.

Signé Loys.

Et plus bas DE LOMENYE.





RESPONSE
DE MONSEIGNEVR
le Prince au Roy.

SIRE,

Ayant appris par celle que V. M. m'a fait l'honneur de mescrire par le Sieur de Pont-chartrain du vingt-sixiesme de ce mois, la prompte resolution que vous auez prise de partir pour vostre voyage de Guyenne & le commandement qu'il vous plaist me faire de vous aller trouuer pour y accompagner V. M. I'ay estimé que ce partement si precipité sans au parauant auoir donné ordre aux affaires de vostre Estat & pourueu aux desordres qui vous ont esté représentées, tant par les Estatz Generaulx que par vostre Court de Parlement de Paris, estoit vne continuation des mauuais Conseilz de ceux qui en sont les au-

theurs, l'esquelz ie n'ay cy deuant nō-
 mez dans mes tres-humbles remon-
 strāces, afin de ne vous desplaire SIRE
 ny a la Royne vostre mere soubz les-
 perance que i'auois qu'ilz cesseroient
 d'abuser de la bonté de V. M. mais
 puis qu'ilz continuent à se seruir de
 vostre autorité pour pretexte & cou-
 uerture de leurs pernicious desseings
 en violentz Conseilz trop recognuz
 aujourd'huy pour en doubter, &
 trop publicqs pour les tollerer & souf-
 frir plus long temps puis qu'ils tournēt
 à la subuersiō de vostre Estat à l'affoi-
 blissement de vostre Couronne & à la
 ruyne de vostre maison & d'autres
 Princes Officiers de vostre Couronne
 & principaulx Seigneurs de vostre
 Royaume. Je suis contraint, SIRE, a-
 pres vne lōgue patiēce représenter à V.
 M. avec toute l'humilité & le respect
 que doit vn tres-humble subiect a son
 Roy, les iustes raisons qui m'enpeschēt
 d'obeyr

d'obeyr si promptement à vostre commandement, ie diray doncques à V. M. que lors que ie me fus retiré à Creil vous ayant pleu enuoyer vers moy M. de Villeroy pour me commander de vostre part de vous aller trouuer avec offre qu'il me fit que V. M. aduiferoit de donner vn bon ordre aux affaires publiques de son Royaume, ie luy fis responce que ayant esté huiet mois à Paris ou i'auois veu le commancement le progrez, & l'issue des Estatz, telle quelles ont esté les procedures qu'on y a tenues pour pratiquer & corrompre les Depputez & en elluder les deliberations & resolutiōs: le parlement gourmandé & indignement traicté pour auoir voulu seruir vostre M. ma vie & celle de plusieurs autres Princes & Seigneurs de qualité mise en compromis, par ce que ie disois librement avec eulx mes aduis dans voz conseilz sur ce qui s'y presentoit pour

vostre seruice, & le bien de vostre
 estat ie n'y pouuois retourner avec di-
 gnité ny seureté iusques a ce qu'il eust
 pleu a V. M. pouruoir à la reforma-
 tion de ses Conseils & aux desordres
 publicqs contenuz es remonstrances de
 vostre Parlement, sur quoy derechef
 ayant pleu a V. M. de renuoyer vers
 moy ledit sienr de Villeroy à Clermôt
 avec quelque pl⁹ ample pouuoir qu'il
 n'auoit à son premiervoyage, nous cō-
 ferâmes ensēble de la réformation de
 vosdicts cōseilz & des reglemēts qu'il
 auoit eu charge de me faire veoir, &
 pour le regard des remonstrances du
 Parlement i'ay reserué a luy dire mon
 intention apres en auoir conferé &
 pris l'aduis des autres Princes officiers
 de vostre Couronne & Seigneurs qui
 concurrent en mesme opinion avec
 moy, ilz ne sont moins affectionnez à
 vostre seruice au bien de vostre Estat
 & affermisement de vostre Coronne

ainsi que ledict sieur de Villeroy a fait
entendre à V. M. laquelle n'ayant
point desagree ce qu'il auoit commē-
cé a traicter, auroit encores trouué
bō de les renuoyer en ce lieu, ou estat
arriué des ce matin, nous estions desia
entré en cōferance sur lesdictes remō-
strances en sorte que les choses sem-
bloient estre es termes d'un bon accō-
modemēt. Quant ledit sieur de Pont-
chartrain est arriué qui m'a donné les
lettres de V. M. & fait entendre
ce prompt partement lequel priue
le publicq du fruit qu'il esperoit
de l'issue de ceste conference rend
les choses qu'on y pouuoit promet-
tre impossibles à executer auant ice-
luy à cause de sa precipitation & par
ce moyen accroist les desordres
qui sont en vostre Estat dont ie suis
contraint de nommer les autheurs à
V. M. qui sont le Mareschal d'Ancre,
le Chancelier, le Commandeur de

